

恥堂存稿

耻

恥堂存稿卷六

宋

高

斯

得

撰

五言古詩

暮春卽事

皇天列四運懿茲暮春熙和風著萬物觀物令心怡如
何魏晉後詞人總淒淒退之頗知道及此尤傷悲寧非
邁淹留歎老還嗟卑哀樂緣外感安能識天時不見魯
中狂陶然浴清沂問渠樂何事無言對春暉人亡已千
年歎息將安歸

次王秉純投贈三十韻

耳室不系
卷六
一繆 五百校

狂客寫孤憤危詞難羣儉秋岳露節角春林掃穠纖長
缺刺橫鱗寸鐵劓妖蟾赤子臥橫草蒼生捐蓋苦無衣
可自蔽有突何由黔冽泉浸苞稂白露摧蒼蒹念此心
怛怛因之淚漸漸誰能坐捫舌聊欲一奮髯百憂不易
窮千篇猶未饜生氣凜不憊死灰驚復炎敢云寡鶴唱
尚欲神龍潛拾遺愛薛孟謫仙重王閭相邀共夜話快
讀臨風簷更闐聖頻折樂極酒屢拈國家正閒暇上下
方熙恬賈誼枉流慟桓侯笑鍼砭無庸事吟諷且復披

湘縑緬懷西方美遐想虞庭僉狂愚易構禍譏刺徒招
嫌舌出躬是瘁戲言心如惓且當阮籍醉莫待申屠筭
及今不自悔明神將汝殲之子七步才時命三年淹源
時方江湖久放浪藿鹽應餽慙端如伏檻虎更似緣竿
下第鮎匱藏玉有美臺餽金無兼我欲引自近寒盟應重燻
弁山蕨可茹茗溪鯽堪黏諾金雖未墜許劔已可覘從
今但洗耳水程報郵籤

送徐景說歸三衢

秋風吐商氣庭樹慄以飛美人悼時節去意不可鞿朋

陰傲排盪晨光弄熹微靈修詎敢怨浩蕩終難依岐分
蹈一失決此存亡機僵株擢新稊倏忽成十圍陽阨人
所願蒼天詎能違蹇予于夫子亮節深所希取舍既共
是排振亦同非豈伊桐江上裴回送將歸時危抱深感
人遠傷遐睎國家福未艾祖宗臨孔威願子崇明德桑
榆借光輝

思耕亭

有序

吾友王敏道爲富陽稅官廨近嚴子陵祠築亭
其旁求名于予攷諸前牒富陽漢會稽富春縣

吳始分富春桐廬先生耕釣之地皆在富春明
矣然今分隸二州則在嚴者宜以釣爲重在杭
者當以耕取名紹興間鄭公剛中宣撫四川作
思耕亭蓋以思孔明耕屯爲義予蜀人也習聞
其號乃借以名斯亭因系之詩致懷賢之意云

莘郊投耒興六百尊殷祀南陽輟耰出漢業債還起聖
賢憂世心秋月照寒水彼哉植杖徒長往見何庠我讀
逸民傳初訝子陵志赤符燄方張注想資共理掉頭歸
深山繆洗巢父耳六經凜刀尺云乎不斯畏反復史氏

詞陵去良有以維人驗進德必于師友試歷試猶夫人
成就安能偉挽士亦既來舍王寧得已漢道汝不衡先
生可輕議釣臺千萬篇未有愜予意賦詩題思耕聊與
發斯義

觴客海棠下以東坡絲絲紅萼是鄉人之句分韻
予得絲字

南國候傷早東皇駕如馳月正未強半紅紫皆離披蜀
花異凡品作態能矜持可憐多迫蹴竟隨羣卉移如彼
市門女狼籍施膳脂又如賤錦工忙擲梭中絲匆匆不

耐看欲速將何爲碧雞有佳人睡足晨妝遲含姿自愛
惜肯受春風欺思之不可見感事腸生悲

爲溫樂堂五綠亭解嘲

園林非不佳名字著難穩稍與流俗異譏呵來噂噂我
堂名溫樂竊慕涑水翁我亭名五綠又希午橋公客來
笑不已謂我何其鄙拳拳二相國所愛人爵耳聞之爲
一哈爭端自予開嗟予信鄙矣笑客亦愚哉相誠吾所
愛何必裴與馬唐非無李盧宋何有章蔡爾知相何物
是謂聖賢宅士而不爲此何以下膏澤孟軻出畫意宣

取堂存利 卷六 四一 繆晉校
尼載質心溫豈獨甘樂裴非錮園林二扁有深意客詎
窺其淡吾言豈狂言刀尺自孔氏

題黃巖蔡氏青在亭

逢人說愛山誰何是真愛苟無丘壑情在眼猶不在君
看終南客豈不臥興對奈何心自盲坐失煙霞態蔡侯
故靜者肯與青山背作堂老其間列岫儼襟帶蘿月散
庭隅白雲屯戶外疏櫺納遙碧平几挹橫黛青山信在
茲心鏡兩融會豈效逋客徒匿情給松檜咨余秉微尚
頗亦厭塵盞幸君分半青著我函丈對

遊巾山得晴字

巾山何亭亭拔地蹲中城蒼龍擢雙角盤空鬪孤撐崇
雉儼環抱兼如在滌牲有時霽霧舉插我堂東榮雖勞
拄笏望猶賒杖藜行值茲陽和候鮮暉吐新晴擺去纏
牽累少暢窺臨情藉蘭得勝引共此酒一盛咏餘百憂
集樂極萬感生去國魂難招懷人涕易盈雖無丘壑姿
宿昔芥塵纓寄言山中叟未慕同幽貞

次韻徐景說見寄併呈牟存叟

東南有華屋結構清江濱規橰百年遠庭宇無纖氛前

林蕤杞梓後圃植蘭蓀嘉賓日還往門戶生精魂雖慚
北第壯猶能植乾坤主人遺後意豈欲徒飽溫相期大
此屋傳世垂無垠人事一朝異祖訓成仇冤姦隸竊其
柄良朋中路捐殖貨以自封顧笑以爲懽耳目就聾塞
誰其與忠言不念乃祖心望爾椒聊蕃感激當世事家
國初無分宗子誤置相匪人轉洪鈞瘴善樹羣慝疢國
開亂原權豪競叨憤赤子愁吟呻我室旣盡毀大盜將
起吞藐焉蟣蝨臣埋輪承誤恩睨冀不能擊狐狸加霆
震撫己方自惡顧指爲尤愆百壬妄見猜欲取棋枰翻

誰知孤臣心但求王室安舉目百嫖中莫若二子妍願
識徑畷徑更認存齋存歲晚定三友短羽追孤翥

迂杜丞相艤舟白鶴山下有感

維舟候新鉉薄言憇茲山叢祠倚層阜迴阡俯澄灣竚
立心目瞿白鶴懸榜顏嘉名契舊隱身疑墮其間沓嶂
森古木荒塗翳枯菅田空少鴻雁谷腥富豺獍更懷山
中人騎鶴去不還平生抱炯介翰張困羣姦徂謝易永
久十年閱松關紛吾信虛薄宿昔蒙矻頑及茲落海嶠
初心汨憂患竭來因見召感涕淒其潛亦欲蔭青茆賞

心諒難攀孤憤竟何及顛毛自令髮

龜溪卽事五首

頑雲茆鶴嶺積雪明龜溪枌榆社已屋斯焉卜幽棲亦
有好事人除館溪之西門巷寄深窈青山有攀躋平生
秉微尚頗忻詠歸兮且可投吾簪安能棲會稽

原註史嵩之以

冬雷封事見逐改予越倅不赴

父兄吳下宅師友茗溪磯亦欲從之遊煦濕相因依睽
孤諒無樂旅瑣良可唏古來遯世士獨立取衆非咨予
匪能然翼短難高飛懷哉訂頑翁示我真指歸

王庭陟峻茂三年蝨其間愚忠竟何補積咎成丘山媿

彼海上鷗臨機歛其翻昭

案原本有闕文

嗟嗟亦胡顏汝今尙

無覺復倚榮辱關晨門獨何人永

案以下原本闕

二疏仕漢庭才術相頡眙並傳已云寵同歸更輝光蹇

予與季父砥砮而琳琅不才自宜汰顯斥庸何傷處我

嫌疑間斯義安所當宜聖譏鄰醯焉度渠肺腸

原註嵩之謂叔

姪同朝有嫌

曩從太史氏論次金匱書龍興渡江後磨止今皇初微
辭記當時隻字寧敢虛彼阿者誰子顧欲私毀譽陽秋

記慕容史記名山儲二子亦過計人心焉可誣原註寧宗帝紀
之末嵩之妄加毀譽于理宗濟邸改予所草

送不浮弟歸金陵

分袂四百旬盍簪三十日君來一何遲君去一何疾題
彼原上鶴飛鳴不相失奈何緣薄宦參辰各方一我鬚
盡成絲君紛纒如栗人生幾相見歲月去如斥兩蘇欠
同歸二陸事堪慄天倫益中薺富貴劍頭蜜岷下饒蹲
鴟吳中富仙术縱不死同丘其可生異室願君解龜後
休汝毋他適建鄴水易茲武昌魚多乙原註不浮昇急鄂皆有屋

來共藜羹蔭此青林密春風棣華開溪頭望歸鷁

不浮次韻予亦再賦

咨余運頽侵非復少年日嵇康既習懶長卿又嬰疾避
客如避仇俗子意多失獨于聲氣同迹兩心事一糲飯
盤菹芹濁酒籩撰栗家食雖清貧尚有幣餘斥每思世
路巖身不寒而慄何如掩關臥黑甜過崖蜜覺來荷長
鑿藥圃斲芝朮末路值令弟自遠造餘室未久欲思歸
依人似高適飛飛羽差池秋雁避春乙可憐陸士衡鳴
咽送親密橈音轉回塘無由望文鷁

讀謝章奏疏賦朝陽吟

岷峨秃如赭江漢濁如泔云何只隔夜潑黛接青藍得
非氣沆碭祝融困西戡秋風抗手謝天公吾敢貪此邦
舊崛奇神氣虎耽耽山爲萬仞高水作千尺涵爾來遽
一變風景殊不堪月墮雞不晨露警鶴猶馯長畢綬若
若脩緡府潭潭坐令死瓦色空濛亘西南劃聞卷阿奏
翠鳳鳴孤嵐尹氏誰敢指家父獨縱談三十六峰下有
此奇偉男戛摩參井燄剗礖山川慙予方感發緯耳此
距躍三作歌爲賈勇罪我如飴甘

吏道

勞牽迫吏道儻若洪縻拘九春回塵土一迹園林無直
此休沐暇偕我良知娛殘梅謝衆卉初柳蕘僵株四運
巧相斥流目悲榮枯俯仰潺浚沫側耳彌驚吁故山渺
何在漱石良辰徂爲邦歲已葺宣城可歸與執柯勿睨
視州有達士模

物貴

一從泉法亂都野咸荒荒片楮母偏重無子相低昂姦
人竊其權百物因大翔握薪重尋桂尺魚貴河魴我聞

輦轂下鞅法牛毛詳物物揭成價大字懸康莊撫鮑權
公肆餅師聚官場市易祖嘉問均輸肖弘羊尉羅四面
布搖手觸刑章哀哉今之人逢時何不祥穀斛八錢漢
米斗三錢唐安得生其時鼓腹詠太康

增賦

吾哀天寶後刻剝窮錐刀豆實不得喫蕨賣輸官曹原

並見詩史民生于斯時生意如鴻毛安知咸淳際赤子滋磬

磬稅租責三倍田野晨號咷柔桑稊未苗調帛已騷騷
騎兵飢醜鮮黎民窄糠糟九關虎豹守哀籲愁天高

桑貴有感

我老與時忤十年守窮空衣食相驅迫遂師田舍翁每
當春蠶起不敢怠微躬晨興督家人留心曲箔中客寓
無田園專仰買桑供豈謂桑陡貴半路哀塗窮三百變
三千十倍價何穹家貲已典盡厥費猶未充乃知楮法
壞流毒刀兵同蒼天此何人血面訴難通棄蠶滿阡谷
行當歌大東豫憂兒女曹凜冽當嚴風我窮何足道四
海關吾胸赤子已露立視天猶夢夢

劫桑嘆

美哉幽郊道風日清且熙條桑紛冉冉采繁復祁祁盛
時不可再亂世誠堪悲守令旣闇懦兇黠何紛披千林
非無主奪攘無孑遺白刃鬪原野長叉守路垂羸童擁
樹泣弱隸空籃歸更憐貧家女束手看蠶飢爾蠶何不
幸生此叔季時千筐與萬箔委棄如京坻昔聞花門亂
倒麥折桑枝幸無風塵警氣象胡爾爲天門萬里遠吾
君那得知恨無古膚使觀風采吾詩

次韻不浮問疾末章及蝗

臥疴連夏秋爾來收藥喜羣腴久嚼蠟今始甘魴鯉自

非天矜憐安得吉祥止寄聲問何如感此遠方弟炯然
憂愛心諄諄見詞旨兼餽藥籠珍廢疾居然起末章悼
飛蝗布陣長千里那知自北來今亦徧茗水公田吏如
虎收拾無滯穗訴傷服大刑遑哀室如燬古來此亂國
赤子先遭棄北橋千萬倉何翅敖洛峙一粒不肯捐肯
念飢由己謹勿傳吾詩隙間天螻記

題錢可則芟雪庵

我家雪山下結茅幾度秋一朝劫火燎身墮江南州相
逢芟雪君感慨不能休我今如喪狗狂走長包羞子幸

取堂存和
成小築廊巖可夷猶何不學孔明草廬傲王侯何不學
袁安高臥絕行軒鶴鸞恍入夢猿鶴悽生愁逋客亮非
然誰其執怨仇山茅自高潔得雪逾清修三白待君足
毋爲垢氛留

酒闌

世道日淪忽涔淚夜中滋客問子何傷傷予士氣痿不
見齊魯鬪所爭在糟醕我吻燥已久幸歌韓奕詩若遭
禁酒國曹瞞爾何爲一塵臯蘭下赤壁竟不支雖云竟
不支主翁自憐之騎虎不敢下悲鳴亦可嗤朝廷盡君

子拄撐賴公師似此好局面諸生願扶持尹京用老蔡
恐翻元祐規斯言是耶非識者當能知啞鐘懸清廟瘖
虎伏路垂此而爲君子小人當謂誰幣輕物痛躍赤子
命一絲尙曰此元祐天乎欲誰欺醪粲恩誠深報復機
誠危獨哀三百年豢此終何裨咸幡不復舉志士徒傷
悲

蜀酒

我辭相國歸

原註趙公葵

遺我酒十器拜受起潸然爲上有

蜀字狐狸之所嗥種秫寧有地得非父兄血或是鄉人

淚我飲不下咽思廣相國賜願得投岷江咸使西南醉
端午日觴客東湖遇雨移飲壽台樓分韻得壁字
立暉東田遊明遠東城歷深心慕塵軌湖舫擬觴客零
雨或尼之輟策駢茲席霽虹帶高岑傾羲被迴陌良知
共遐晞數陪竹林七境恬微尙愜賞勝幽懷適懷沙事
千載舊憾猶能闢延首瞻樓顏新愁渺難釋原註新聞
杜丞相薨
天問愧非才且可浮大白徙倚驚漏窮晨宵挂東壁

贈道士劉友鶴

翰林紛萬族白鶴稱善鳴標榜在詩易斯義淵然精子

今自羽客復慕胎僊名烟熅吐奇訊警露爭圓清平臯
播馨蘭廣隰蔭芳苓于焉事飛薄安得有惡聲聳俗詎
知我胡爲枉攫情帝鄉闊萬里短羽無遐征

讀哲宗長編

我于咸淳際偶讀紹符編昏氣塞宇宙臨文深慨然孽
惇暴于虎秦陵度如天惇言一脫口輒奉以周旋嘯呼
盡頑兇排斥咸忠賢意偏覆轍蹈時移善政還音濟惡

蔡元度推波曾子宣紀綱耳目地悉以私人專其間如
商英牙吻尤呀然神靈不可測黨人得生全矧乃崇觀

後於邑更堪言孝弟堯舜道禍反階中天聖經豈誤人
無乃說用燕孤臣淚迸血後來其監旃

近者昌言多出諸賢之後有感一首

吾觀唐虞時輔佐多世胄一時謀謨嘉十世典刑舊古

道日以衰象賢始不懋近者梧桐鳴多出芝蘭秀杜李

唱其前原註杜清獻之子劉胡繼其後原註劉侍御漢

夢昱最後康樂公原註謝瀆山卓出漢庭右元氣倚迓

續疵國資匡救起予氣為增感事眉復皺彼出進士科

視此一何陋但貪一束芻甘作三緘味真堪為僕僮尚

敢矜廉茂誰能持我詩往為披恂瞽

生日自嘲

今朝出門去路逢挪揄子汝形何龍鍾汝色何顛頓人

皆鑽當路汝獨鑽故紙故紙高泰山不直一杯水當路

衆所趨汝獨無一字玉堂炳宮燭金華曳絲履耳筆立

螭頭屬車陪豹尾世人共歆羨汝乃獨掩鼻七十不回

頭汝亦自苦耳抗手謝少年吾今將仕矣

次韻俞掾縣尉見贈釣臺賦梅

嚴風摺繁圃嘉卉難為香坐令衆芳林直為蕭艾鄉妖

取堂存和 卷六 四 繆 晉 校
紅與嫚紫乘時鬪新妝梅生處局外皜然衲衣裳獨無
摧折憂一笑春洋洋猶懷臭味感苦口嗟難嘗風人妙
託物予德慚菲涼坡公詎爲役涪翁可齊芳尚此短兵
接當君陣堂堂

齒落

韓公四十五已賦齒落詩呀然頓崩弛存者皆浮危我
今恰半百衰暮固其時一齒缺當門撼其秋葉飛感茲
生有涯撫枕中夜悲伊人未聞道文與百世期吾今食
粟耳將隨野草萎聖路千萬里加鞭猶可遲

次韻功遠兄惠詩見勞

平生聞父師擇術明諾謬豈不依德言其奈根器弱昕
庭開獸樽坐聽諸臣咋誰其酌嘗之自牖勤納約維時
鶴山翁鐵作元祐腳振鬣一以鳴萬馬立皆卻此老埋
虎丘自頃氣何索徽音闕不嗣吾儕得無忤偶從鋒鏑
餘來被纓組縛每懷季父風自笑吾痺惡十駕希乘黃
其敢自菲薄啾啾竟何裨有如叢間爵那知桓將軍早
已憚孫綽鳩彼韝上鷹掣臂將汝攫何不追冥鴻幡然
見幾作會逢故人劉危言取貽愕

原註劉起爲博
士輪對甚偉 腥腐

忌雕胡蕢菜妬芳若遂仇作俑人意欲屏醫藥原註予對班偶

在劉前亦及樂哉餘不停閒身頗堪著寒谿靜可鑿青

山岑如削未能及黎侯且可棲晉鄂憑誰共行藏歸語

故山鶴

贈蜀僧欽師

天台招提藪我常避其塵夫豈無名緇近膩終汗人原

時鬻寺之風頗盛 衲子來西州見之獨情親豈惟枌社意亦喜

叢林聲欽公惜我去索贈良殷勤子道我弗學安能淑

而身雖然第一義儒釋曾何分要踏石頭路須還鐵腳

根

次韻李通甫賦中秋

秋容滿苕谿天籟生茵閣幽懷對蕭辰意味更沖泊招

朋傾一盛相與慰牢落抵掌談世事亦可資一噱須臾

白玉盤高掛青綃幙賞心與景會喜極悲還作渺然望

西南慨想舊猿鶴豈無首丘情歸去事耕鑿奈何朝廷

上聚鐵方鑄錯原註時余棄置勿復道洗盞更深酌我

老倦吟詩無惊紀行樂故人詩筒來晨簷有鳴鵲

送劉養源遊吳中

自我識松澗于今二十年

原註浙西憲俞揆

譬彼鴻與虬薄霄

而棲川憶昔初見時予客劉養源邂逅一相遇松澗稱其賢蹇予久騷屑養源亦蕭然攜家輦轂下炊玉斗萬錢貸粟監河侯蓋爲生事牽訪予茗之濱欲學東方先率然集吳地求汲松澗泉予謂子往矣轍鱗今復鮮杜陵送李君南入黔中天應爲汧公醉剩操雲嶠篇

次韻不浮和東坡端午遊真如寺

君居秣陵時日夜書旁午念我方投閒遠方同甘苦別來日月長如髮不可數弟兄兩浮萍功名一炊黍相逢

飲佳節小慰情悽楚東坡舊公案君房妙言語乃翁滿腹書一字不堪煮晚歲膝上君端能繼華祖我已困屠龍君應思畫虎相期寸田耕心亨無齟齬

平生欲一遊金陵而不得再用韻簡不浮

金陵帝王州遺事多典午我昔讀其書撫卷輒凄苦一時豪傑士錯出可勝數榮名旣銷歇陳迹付離黍惟有東山翁于今尚翹楚我欲一訪之千載同晤語酒于白下酌茗向鍾山煮北道有主人載酒思出祖但畏傍人譏率野非兕虎此事從昔然非予獨齟齬

取堂存和 卷六 不浮欲卜居雪川而未決再用韻趣之

君如夏日槐濃陰正亭午我如秋渚蓮心老味加苦卜
居既未果會面真堪數二米同一稔何時如秬黍我今
居異邦一齊咻衆楚出門無所詣欲話誰晤語盍念荆
同生毋憂豆逢煮急來共伏臘相與續妣祖昔人兄弟
多八龍及三虎安有予二人而堪長齟齬

不浮弟攝興國守書趣其歸

自君攝富川政聲達王畿鄉邦大夫士相率聯書馳欲
控江州督版授俾真爲羣來質于予予則力止之父兄

本公論彼反疑爲私諸公悵然去未免方輪嗤日者召
書來自言攝承葺駑馬戀短豆或者能無譏累牘上尚
書願趣新侯來白頭分趨幕不敢求旌麾開書喜見面
與我同肝脾高安別未久德進兄嗟咨我今亦復然坡
顛真吾師雖無逍遙堂遲君同賦詩已掃安樂窩扁舟
早來歸

次韻王深道領客登翠屏

東皇趣歸旆行色在隴麥撫舊念易盈感逝憂難釋謂
春姑徐驅爲我咏今夕天涯浩漫漫迷路那可索林芳

坐自銷庭草已如積南亭慨靈運東園悲阮籍咨余畏
簡書無路追羣展故知凝睇處惟見嵎尖碧如邛欠宿
願入越成誤適一笑命淥樽人生匪金石

題王茂悅郴州白水奇清園

原註瀑布也

靈區有異產化國無潛珍坡公論人物我則賦奇清壯
哉此白水誰其瀉青冥蘊藏富媪嗇抉剔天公噴霹靂
起神物曩屬擘巨靈陽山得瀑谷永嘉賴斧斤乃知出
世事須待開物人倒懸訝瑤池吹立驚滄溟千穗落曉
鏡萬仞垂天紳清寒入山骨霏霑潤人巾麇麇為瘦爽

草木皆堅貞臞仙挹瓢飲俗士前塵纓度堂匪秩讌築
館先儲英函書靜秩秩子佩來侏侏清風濂溪像古柏
文翁庭從容講道要宛轉餘詩情謫仙一派妙休文八
詠新茲惟佳山水我嘗駐騏駟平湖尚蕪漫絕境宜荆
榛按圖重慨歎歲月今崢嶸壯觀誇好句窘步歆豐孽
聊以贈我友無庸寄山神

書室揭劉元城陳了齋像以自厲

我昔天台游偶得陳公像以公謫是邦祠堂懸真相尋
執憲于衡復得劉元城以公子孫寓家傳遺寫真揭之

取室存和
書室內朝夕得晤對焉能爲之役妄意他年配劉公色
貞堅疾惇固宜然陳公甚和易排京乃敢言惇京爲腐
草二公長不老汝其擇于斯庶以傳不朽

次韻詹丞賀得祠

我生天地間自笑一疣物燕蝠爭晨暝龍蠖安伸屈三
度侶黃冠十載謝丹紱無學陪旃厦無才演綸綍晨策
恣幽探午牕饒睡兀平生正坐口自使窮到骨紛紛蝶
爭春悄悄蟻啖月從來彭澤琴不勝昭陽羯安有冷笑
姿可入豔陽節積年幾穴牀經旬不踰闌時逐志和風

慣臥袁安雪初無子公書誰其項斯說忽令管龍宮傳
聞從鴈帛還來弄香火幸不廢書冊偷閒容我輩用世
付時哲鵬鷄各逍遙何煩較優劣

感事

太師百僚長歷代皆有之所用有賢否邦以分安危惟
彼太公望桓桓定周基至于尹氏徒寧逃小雅譏漢唐
姑勿論我朝有元龜潞公四朝老德望鎮華夷咄哉京
檜佞言之可獻歛近者揚王庭舉朝莫言非文潞不可
作吾其誰與歸

鬼瞰吟

相公不入府卻走湖上宅朝游廟堂上暮作水雲客公

府爵羅張別墅車轂擊三日斂履朝萬楫戈船疾

原註入朝

以軍船涉西湖人以爲不祥

畔官義和誅離局春秋責主寬置不問

士佞那敢斥倡優湛夜宴臺館窮晨策華堂枕千巖幽

龕通百尺知非晉公洞故是伯有窟蘧蘧夢蝶飛冉冉

長蛇出

原註大蛇出于其寢

煩冤哭中夜魑魅來白日方期燕婉

求難拒幽明迫天不相厥居鬼乃瞰其室不見霍氏亡

千妖日叢積不見蔡京敗萬怪無寧迹持危豈顛墜起

穢宜蕩滌君看韓家園斜陽空寂歷

次劉養源見寄二十韻

山寺傳好語盈耳歡聲騰側聞新天子有意綏黎烝金

雞肆大旨民散蒙哀矜詔書日夜下合沓來凌競訪落

首鮐背導諫延龜朋講習召遺席輶車聘才能官簿還

故邸孝思齊定陵宛如春氣至頓釋朝霜凝神龍妙噓

雲妖狐疑聽冰維今萬糝政欲言何可勝安得批肝血

排雲叫觚稜崇蘭變成艾春鳩化爲鷹貪夫野外贊善

類風中燈百壬各自媚兩如偏見憎

原註選詩事躡兩如直

盈庭

取宜存和
卷六
三
蘇晉校
蒼玉佩絕響朱絃繩願我聖明后金臺擇先登昭蘇贖
贖聽凌厲高高層陰霾半夜駭日月高衢升吾儕老畎
畝鼓腹歌中興齒髮已自料息翅甘冥鵬

要君

聖人戒要君春秋罪同弑推此無上心將何所不至近
者兇相歸決烈誰能比羣愚感其跡咸謂難奪志老夫
非聖人固知決無是或問何以知答云非奧秘豈有患
失夫能爲勇退事未聞介推歸留母以爲質府中俱蕩
析般移到花卉殿前卒二百輦載填城市都人尨其愚

家家失歡喜謹言真不返剝剝競彈指朝士獨可憐一
朝失怙恃聯章乞還相留莽無少異天王雖聖明勉徇
非得已御前金字牌一日數十置冠蓋何紛紛排日遣
郎吏端明奉璽書侍郎傳睿旨師王袖親批祈懇流涕
泗相公臥愈堅那肯東山起陛下如迫臣臣當還故里
羣使駭其言連名奏天陛安知夜半舟已渡曹娥水新
亭候徒勞劉裕已還第狄青度崑崙李愬擒元濟忍于
君父前用此軍中詭一勞可永逸所欲已稱遂從今政
事堂深根且固帶願已愜臧孫專當踰季氏上蒼孔威

神那知從汝未

五月

五月出師時老臣抱憂懼端筭問詹尹願告吉凶故卦得明夷終驚愕不敢露庸知三日後日青大可怖源註六月

朔日有食之既天象與人占真如相對語師出無寸功敗書常

踵路世道復雲輪當局委而去更令水中榆裊裊擎槃

露原註露義不秋風日以高吾未得死所援筆識著辭

淚血滿襟素原註明夷上六不明晦初登于天後入于地象曰初登于天照四國也後入于地失

則也應在德祐二年正月痛哉

次韻方泳道折見寄

延首浙河外浮氛翳青天下有豺與贄紛其集中田況

復直歲禮蒿萊莽連阡民流入他郡百里無人烟咨予

忝觀風七州命所懸駐車問疾苦入耳潸潸然期令萬

蒼黔生意春無邊一網獵羣饕其敢諉力綿天王自聖

明凝旒蔽其前曰此何罪辜而誣飲食泉奉使旣不稱

還印歸民編南牕可笑傲雙溪恣流連不貪金門步不

慕東壁躔但願紫皇寤赤子逃烹煎賢聚國脈壯吏良

民瘼痊臣雖就九死沒齒無怨言方子遠投贈厲我彌

貞堅枯木已無心安能被朱絃江水倘可楫吾其劍西
川

次韻王深道見寄

虛齋隱几坐憂思來萬端我帶舊盈豁忽復數孔寬追
思昔迷復驅馳困塵鞍終蹈世塗險衽席生瀧灘平生
仗忠信意若無驚湍雖有被野羅何篡凌風翰髮憂抱
耿耿進退良獨難亦欲紉蕙茝殷勤奉所歡

原註離騷以君爲所

歡終疑薛居州一暴難勝寒衆陰日夜長正氣日以單
國枋落熏腐民生困貪殘言路久榛棘肉食咸空餐蹇

予宿嗜好與世殊鹹酸奈何不自愛當門植芳蘭故效
五柳君歸求容膝安我友在天末洞我腸與肝新詩妙
鐫發字如湯銘盤盍簪眇無因東望慨其歎遙聞病新
愈致我囊中丹願君彊吞咀百年永相看

次韻劉友鶴端午三首

昔經屈原坂寒湍下悲鳴又渡汨羅江注記曾輸誠慨
彼幽亂國成此湘纍名彫胡不受膩滑予膳膏腥離騷
二十五往往言其清招汝千載後來乎不來靈

桐江五月涼波上搏層颺傷屈念已愴懷嚴瀨逾滋維

彼不逢世如斯良遇時懷沙與釣瀨異節同光輝故人
去奚傷宗國逃懼非精義貴有質聖遠咨從誰

箋天欲移病心與孤鶴飛苔青弁峯秀遙昔夢佳期恬
鱗慕深藻倦翮懷安枝焉能繫浮名翬翔辰昇霏已約
東里伴無煩北山移他年倚磻門望子蹕躑衣

道中遇雨

車中覽書罷舉頭失青山五日無纖雲春晴固應慳須
臾驟雨過忽已羅青鬢天公自知我所遇無不安奈何
苦相戲晦明翻覆間浮雲雖暫收未肯故山還終當買

不借踐此泥塗艱

送王深道赴荆門教授

蒼龍掛秋漢涼風鼓吾袪夜中不能寐慷慨悲有餘美
人背我去山川渺盤紆平生稽叔夜龍性不可拘以茲
直諒益弱念咸刊除四海豈無交誰爲真丈夫温蜀本
兄弟不過姓氏殊臨分悄無言執手空踟躕世事舉目
知安能共淪胥君理江介柰我念茗濱廬後會難前期
且復立斯須努力崇明德歲寒盟可渝

次韻北澗禪師留別

取室在和
卷六
三
至日校
維北有深澗其中貯幽泉茲泥不可滓萬境涵澄鮮老
人挹其流濁世相周旋清寒滌腴膩八解不敢專我來
宿招提踰月從金仙解后澗瀕老筆力回百川參寥一
以去詩宗久無傳阿師佩密印絕後如光前禪房竹色
靜秋深暑將闌雙崑儻入夢寄予白雲篇

中秋獨坐有感

三年三中秋月作一樣奇清貧不設客老倦不吟詩今
年更淒涼兒孫鎖秋闈獨坐南窓下兀兀如孤羆追思
歡娛地無如少壯時尙記壬辰歲鶴山靖州歸八月十

五夜月華散前墀諸父秋山閣羣從幽芳池賦詩各分
韻醉墨紛淋漓鶴山讀我句終夜相嗟咨明朝操紙來
傾倒里中兒一往三十載坐念心生悲前輩已彫謝諸
兄亦無遺奇孤一身在流落天之涯明月如昨日而我
鬢成絲天人固異分何煩涕交頤

又中秋分韻得處字

西風滌殘煠秋水靜如瀘客心悲未央感茲年芳去聊
攜池上酌相與豁煩慮我殺楚以陳曾未舉前箸延首
視太清飛娥已來御屏翳雖放紛不敢捩眼覷清輝豈

不佳祇益畸人苦故鄉值良辰輒與親暱醪轉蓬隨天
風異縣不可據明年看清光那知又何處

自敘六十韻

蒼蒼大峩山高標致青天西江走其下東井纏其顛積
此二儀氣鍾為萬古賢粵從揚馬來作者接項肩我家
高陽氏邃古已嬋媯爰及開府公世德乃昭宣挺生六
男子如鼇海上連逢時供世用報國或軀捐原註先忠襄公二
季遇明主皇極佐後先英芬播家國餘輝照山川咨予
食舊德一綫千鈞懸結髮日礪砥植節圖貞堅龍飛四

十春先皇始招延絳侯正驕主答策聊相鑄無心得天
下人力何有焉有司矜其愚置之龜列前先人既死城

案原本

遭禍愈挺挈身歸君父叨沐登史筵是時嘉熙

末大臣私自便抗疏警其偷側目尤讒言

原註喬行簡

未幾

孽嵩來當國恣且專白發並相議

原註庚子冬雷封事

一斥踰三

年祁公俄入相招我赤城邊公尋薨于位游老司陶甄

蓄縮多畏忌百壬鬧煎煎汲黯又妄發羣靡益呀喧臥

家百餘日遂棹嚴灘船偶乘浙東傳入手埋輪權南牀

有婦翁出柙流饑涎劾章格不下使者反歸田流落經

耳堂不和 卷之六 三 穆 晉 校
七載那復凌翔鴟淳祐更化瑟弓旌羅八纏例叨赤車
使收召湘江孺南宮甫踰月遂玷蓬萊仙仍侍玉皇案
兼操金匱篇主恩海嶽比每欲輸塵涓謝吳對持鉉國
勢如舟偏薰猶共一器兩黨操戈鋌予與趙徐輩放逐
紛聯翩吳公亦去相國事堪潸然荏苒兵難作天怒誅
凶全吳公再秉鈞首議賈生篇諸梁尙當路原註公願
竟以愆亡何事大異萊國冤南遷國忠亂天經黨禍何
連延傷哉淳祐士蕭艾化蘭荃腰金空照地噤如秋後
蟬嗟我亦何人趙璧乃獨全挂舌坐林間嫠憂耿無眠

一旦彗星出應詔言數千歷數蔡京罪請收賈充權書
邊不得上龍髯已飛天尚有聞戒集祕之未敢傳其間
朝陽吟好事達湖苙幾欲齒姦鈇終虞隕深淵偃蹇踰
十載冰山尙頑堅不學李拾遺盡付酒家錢不學杜拾
遺窮愁詩自纏聖涯浩無際前路渺以綿且復繫寸景
終予犀革編案此詩復用篇延全權堅
天纏等韻蓋失之不及檢

池荷就衰有感

雙池萬荷花姣好欺子都秋風一披拂槁悴如三閭子
有君子操昔人所歎譽奈何不自奮俛仰悲榮枯荷花

不能言請以意對吾兩間草木蕃萬象粲以舒一從鴟
鳩鳴荃蕙首見疎况我值末運忽忽良辰徂相隨就衰
叔容色何能愉抗手謝荷花子誠志士模嬰胖悼季世
箕干感淪胥春陵大中正所品良非虛

九日分韻得花字

秋日何烈烈憂心在丘麻老圃跬步間無惊問黃花及
兹九九候清樽暢幽遐朋簪旣肅穆宴豆亦靜嘉風雨
知蕭辰颯然掠牕紗喬松助聲勢轟虺掉狂車莢囊頓
精神似與老守誇淵明有三徑我獨歸無家浮驂竟安

適佇立空咨嗟

學詩

燕說談古書六籍無詩如彼序鬼一車毛鄭賁其須古
今幾大儒亦復鼓應桴歷年二千餘耳目爲所驅卓哉
紫陽朱訂頑砭其愚俗說力掃除沙沈得簡珠士惑真
難祛于今道猶孤高叟一鄙夫服膺與世殊在天懸方
諸如聞歎起予

讀書

問翁幾何年翁年七十餘尚作蠹書蟲嗟翁一何愚旋

增通典缺旋修阜陵書毫芒集閱盡白編還卷舒五詩

諷被底

原註選李杜韓蘇

柳集誦日晡玩物能喪志聖賢言皦

如賦受有奇偏誰能為耘鋤

讀荆軻傳

夜讀荆軻傳掩卷喟然歎結交天下士賢哉太子丹報
秦一片心秋蓮孤劍寒介紹田先生得結荆卿歡太子
一語疑先生甘自殘荆卿欲藉手臨事敢開口走見樊
於期願借將軍首將軍搯言念此固已久得復平生
讐性命何足有四雄英烈風精誠凌白虹函關初未入

氣已吞祖龍其事雖不就簡牘光無窮奈何今之人蹙
縮如寒蟲

九日會客面嶽亭以采菊東籬下悠然見南山分


韻得采字

四運相摧斥秋容忽而改英英晚節花含霜發鮮彩游
子感蕭辰命侶登爽塏湘山儼橫陳秀色如有待獨憐
祝融峯盡日埋黶黷安得誅雲師吾將罪真宰悠悠元
亮心千載宛如在遙知把不盈搔首終朝采勝達不可
追迷塗誰堪悔棄置勿復談且復澆磊砢

謝鄭如晦餉酒

淵明久閒居欲釀苦無秫蕭條倚東籬目斷杯中物可
 人王荊州白衣來扣寂高情屬天雲于今照方策我窮
 交舊絕門外無行迹舊時如海腸餒鮒等枯澀誰憐東
 溟臣西江分一滴嗟哉子立賢原註王子立子由之壻肯念黃州
 客清酒冬百壺昔酒夏千石陶然北牕下但覺天地窄
 東西高雖異南北鄭能一感荷吾子德酬報乏珪璧但
 誦昌黎詩以謝鄭羣錫原註昌黎謝鄭羣錫贈簞詩明珠青玉不足報贈子相好無時衰

恥堂存稿卷六



聖